



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-780/22
Datum, 27.04.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 15. sjednici održanoj dana 27.04.2022. godine, primilo je k znanju

Informaciju o sporazumnom raskidu Ugovora o poklonu između Grada Sarajeva i JU Dom zdravlja Kantona Sarajevo.

PREDSJEDAVALJUĆI GRADSKOG VIJEĆA

Jasmin Ademović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o sporazumnom raskidu Ugovora o poklonu između Grada Sarajevo i
JU Dom zdravlja Kantona Sarajevo

Sarajevo, april 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija
o sporazumnom raskidu Ugovora o poklonu između Grada Sarajeva i
JU Dom zdravlja Kantona Sarajevo

Gradsko vijeće Grada Sarajeva, na sjednici Gradskog vijeća održanoj 30.07.2020. godine, donijelo je Odluku o poklonu i davanju saglasnosti na Ugovor o poklonu putničkog kombi vozila.

Ovom Odlukom Grad Sarajevo poklonio je Javnoj ustanovi Dom zdravlja Kantona Sarajevo putničko kombi vozila marke Volkswagen, bez ikakve naknade ili tereta.

Ugovor o poklonu navedenog vozila, broj: 01-04-11-4255/2020, a na osnovu naprijed citirane odluke Gradskog vijeća, potpisan je 19.08.2020. godine.

U skladu sa statutarnim ovlaštenjima Grada Sarajeva koja se odnose na obavezu saradnje s lokalnim zdravstvenim službama, predsjedavajući Gradskog vijeća Jasmin Ademović održao je 01.10.2021. godine sastanak s generalnim direktorom JU Dom zdravlja Kantona Sarajevo, doc. dr. sc. Abelom Baltićem.

Tom prilikom direktor Baltić je, među ostalim, informirao da je putničko kombi vozilo koje je Grad Sarajevo poklonio JU Dom zdravlja KS veoma malo u upotrebi, jer se ne radi o sanitetskom vozilu, te da ustanova ima više troškova, nego što su potrebe za ovom vrstom vozila.

Slijedom ovog sastanka, Služba za lokalno poslovanje uputila je prijedlog poslovno-tehničke saradnje JU Dom zdravlja KS na način da se vozilo ustupi Gradu Sarajevo na korištenje.

U međuvremenu, JP Olimpijski bazen Otoka d.o.o. uputilo je Gradu Sarajevu molba za korištenje – nabavku kombi vozila za potrebe prijevoza djece s poteškoćama u razvoju koja bi pohađala škole plivanja za djecu.

Također, u februaru 2022. godine održan je sastanak predstavnika nadležnih službi Grada Sarajeva i JU Dom zdravlja Kantona Sarajevo na kojem je razgovarano o mogućnostima realizacije poslovno-tehničke saradnje. Upravni odbor Javne ustanove Dom zdravlja Kantona Sarajevo na XVI redovnoj sjednici, održanoj 18.03.2022. godine, donio je Odluku o davanju saglasnosti generalnom direktoru Javne ustanove Dom zdravlja Kantona Sarajevo za povrat putničkog automobila te donošenje svih potrebnih akata.

U obrazloženju ove Odluke navedeno je da obzirom da se ne radi o sanitetskom vozilu poklonjeno putničko kombi vozilo se u prethodnom periodu vrlo malo koristilo, a istovremeno je iziskivalo troškove zbog potrebe redovnog održavanja vozila.

Na osnovu Odluke Upravnog odbora Javne ustanove Dom zdravlja Kantona Sarajevo o davanju saglasnosti za povrat putničkog automobila te iskazanim potrebama Grada Sarajeva, potpisan je sporazumni raskid ugovora o poklonu, broj: 01/04-2816-1/22 od 01.04.2022. godine.

Za zaključivanje predmetnog Ugovora, a obzirom na prirodu i vrstu istog, nije bila potrebna saglasnost Pravobranilaštva Grada Sarajeva, a što je utvrđeno nakon obavljenih konsultacija sa ovim organom.

Shodno odredbama Ugovora, Grad Sarajevo će se upisati kao vlasnik putničkog kombi vozila marke Volkswagen.